

Plazako eskolako neskatillak Errepublika denporan



Edade batetik gorako jentia ederki asko akordauko da zela egon zan plaza onduan neskatillentzako **herri-eskolia**: orain Turismo Buleguaren gainian eta parrokixako klaustro aldera begira dagueen *Txantxiku* ikastoliaren zati horretan, hant zuzen be.

Ikastolia horra ekarri aurretik hamaika eskola-klase jarri euen inguru horretan. Hasi jesuitten kolejixo famaetik XVI. mendian eta 1960ko hamarkadan mutikuentzako herri-eskola barrixa haunditu zan arte, ixa eten barik egon zan paraje horretan umee oñatiarrentzako ikaslekuren bat. Dana dala, neskatillentzako eskola hau jesuitten elizia egondako lekuan jaso euen 1870 aldera eta zeregin horretan jarraitu eben ehun bat urtian; pisu bakarrarekin hasieran eta birekin XX. mendeko lehenengo hamarkadetatik aurrera.

Gaurko fotografixan agiri diran umiak 1932-1933 urte ingurukuak dittugu, hau da, II. Errepublika denporakuak. Maistra Doña **Crescencia Macías Casaseca** zan, Zamorakua. Neskatilla gehixenak kaletarrak ziran, eta bi mutikuok, barriz, maistriaren semiak. Ezta erraza izan zeintzuk diran jakittia, baiña informatzaille askoren laguntzaiaz ixa danak ezagutu dittugu. Hona hemen euron izenak goittik behera eta ezkerretik eskumara:

Goixeneko ilaran: Ixabel **Arabaolaza**, Lolita **Osinaga**, Juanita **Urrestarazu**, Maritxu **Jauregialzo**, Anjelita **Madinabeitia**, Juanita **Biaín**, Frantziska **Anduaga**, Marina **La Quintana** eta Juanita **Gorostidi**.

Bigarren ilaran: Miren **Arrazola**, Gregori **Ugarte**, Maixabel **Aranguren**, Iñaxi **Iriarte**, Bibiana **Biaín**, Manolita **Domínguez**, Felisa **Arregi**, Karmen **Santa Cruz** eta Maritxu **Gómez**.

Hirugarren ilaran: Maritxu **Markuleta**, Klara **Agirre**, Bixenta **Olalde**, Karmen **Aldanondo**, Karlota **Maiztegi**, X. X. **Crescencia Macías**, maistra, Klementina **Ugarte**, Arantxa **Zulueta**, Pilar **Barrena** eta Rufina **Aranburu**.

Behoko ilaran: Manolito, maistriaren semia, Mari Luz **La Quintana**, Agustina **Mendiola**, Anita **Lizarralde**, Kontxi **Rodríguez**, Paquito, maistriaren beste semia, Anjeles **Olalde**, María Antonia **Galdos** eta Dolores **Aranburu**.

Argazkixa Jabier Arriaranen bittartez heldu xaku. Argibidiak, barriz, Axun Arzuaga, Jabier eta Ais Gereka, Rufina Aranburu, Ixabel Arabaolaza eta Pilar Barrenak eskuratu doskue. Milla esker danon.